

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) na prijedlog ministra zdravstva i predsjednika Kriznog štaba Ministarstva zdravstva Zeničko-dobojskog kantona, Vlada Zeničko-dobojskog kantona, na 104. sjednici, održanoj dana 26.04.2021. godine, d o n o s i

ZAKLJUČAK

I.

Usvaja se Informacija o epidemiološkoj situaciji COVID-19 u Zeničko-dobojskom kantonu na dan 20.04.2021. godine, s prijedlogom Naredbi Kriznog štaba Ministarstva zdravstva.

II.

Usvajaju se Naredbe Kriznog štaba Ministarstva zdravstva koje su sastavni dio ovog Zaključka (Prilog 1.).

III.

Naredbe Kriznog štaba Ministarstva zdravstva donose se sa rokom važenja od 14 dana, računajući od dana 26.04.2021. godine, koji se utvrđuje kao dan početka primjene ovih Naredbi.

IV.

Zadužuje se Krizni štab Ministarstva zdravstva da prije isteka roka iz tačke III. ovog zaključka, sagleda kompletnu epidemiološku situaciju COVID-19 u Zeničko-dobojskom kantonu i sačini procjenu rizika, a radi razmatranja mogućnosti i potrebe izmjene naredbi utvrđenih ovim zaključkom, te Vladi Zeničko-dobojskog kantona dostavi prijedlog novih naredbi i preporuka.

V.

Ovaj zaključak stupa na snagu danom donošenja i objavit će se u „Službenim novinama Zeničko-dobojskog kantona“.

**PREMIJER
po ovlaštenju**

Spahija Kozlić

Broj: 02-33-6122/21

Datum, 26.04.2021. godine
Zenica

DOSTAVLJENO:

1x Ministarstvo zdravstva,
1x Krizni štab Ministarstva zdravstva, putem Ministarstva,
1x svim zdravstvenim ustanovama na području Kantona, putem Ministarstva,
1x svim ministarstvima i drugim organima kantonalne uprave,
1x svim gradovima/općinama,
1x službena web stranica Zeničko-dobojskog kantona i Ministarstva zdravstva,
1x „Službene novine Zeničko-dobojskog kantona“,

1x a/a.

INFORMACIJA O AKTUELNOJ EPIDEMIOLOŠKOJ SITUACIJI PO PITANJU COVID-19 NA PODRUČJU ZDK

U proteklih sedam dana (14.04.- 20.04.2021.) PCR testom je potvrđeno 279 pozitivnih slučajeva, a brzim antigenskim testovima 149 pozitivnih slučajeva, što ukupno čini 428 novih slučajeva u tih sedam dana, što čini dnevni prosjek od 61 novih slučajeva.

Sedmicu dana prije (07.04.-13.04.) ukupan broj pozitivnih je bio 591, a sedmicu prije (31.03.-06.04.) 890 novih slučajeva.

Novi slučajevi registrirani su u svim općinama/gradovima na području ZDK.

Do sada je testirano ukupno 64.448 (PCR 54.500 uzoraka i Antigenskih 7.488 uzoraka), a SARS-CoV-2 je potvrđen kod ukupno 13.730 osoba (10.100 PCR i 3.630 Antigenski).


Zaključno sa 20.04, u ZDK je aktivno 1.100 slučajeva pozitivnih na SARS-CoV-2 (potvrđeno PCR testiranjem), i 207 aktivnih slučajeva potvrđenih brzim antigenskim testiranjem, pa je ukupna broj aktivnih slučajeva 1.307.

Tabela 1: Pregled osnovnih pokazatelja stanja Covid-19 infekcije na području ZDK sa 20.04.2021.:

	PCR potvrđeni	AG potvrđeni	UKUPNO
Broj testiranih	57.000	7.488	64.488
Broj oboljelih	10.100	3.630	13.730
Broj aktivnih	1.100	207	1.307
Broj umrlih	980		980
Stopa letaliteta	9,70%		7,14%

Testiranje lica sumnjivih na infekciju sa SARS-CoV-2 virusom se provodi prema smjernicama Zavoda za javno zdravstvo FBiH. Detakcija infekcije se, do decembra 2020.g. radila isključivo PCR metodom, koja, i dalje, ostaje „zlatni standard“, a od decembra 2020. kao metod brze detekcije infekcije, uvode se i brzi antigenski testovi koji zadovoljavaju zadate kriterije, s tim što se pozitivan rezultat uzima kao infekcija virusom SARS-CoV-2, a negativan rezultat zahtijeva testiranje PCR metodom, koja ostaje „zlatni standard“.

Grafikon 1: Trend kretanja PCR testiranih i pozitivnih na području ZDK po sedmicama:



Grafikon 1 prikazuje sedmični trend kretanja pozitivnih nalaza u odnosu na obim testiranja PCR metodom u periodu od jula 2020.g. do momenta izvještavanja. Evidentno je da je od druge polovine februara 2021.g. rasla potreba za testiranjem, što je ujedno praćeno povećanjem broja pozitivnih uzoraka (oboljelih). Od sredine marta 2021.g. razlika između broja testiranih lica i broja pozitivnih na SARS-CoV-2 se povećava, tj. obim testiranja je daleko veći od broja pozitivnih uzoraka (oboljelih), a kriva koja prikazuje broj pozitivnih uzoraka, pokazuje nagovještaj stabilizacije.

Grafikon 2 prikazuje odnos ukupnog broja testiranja (PCR+AG) i broja pozitivnih uzoraka (sedmično), tj. kretanje broja pozitivnih/oboljelih u istom periodu – epidemijska kriva.

Evidentno je da je ovaj grafikon kompatibilan s prethodnim, što bi značilo da predstavljaju odraz stvarnog stanja. Od kraja marta 2021.g. ukupan broj testiranja je znatno veći od broja pozitivnih uzoraka.


Epidemijska kriva pokazuje kretanje broja prijavljenih slučajeva oboljenja od COVID-19/infekcije sa SARS-CoV-2 sedmično, u naznačenom razdoblju. Vidi se početak prethodnog vala epidemije i njegovo trajanje sa maksimumom sredinom oktobra 2020.g.

Nakon smirivanja prvog vela epidemije, od kraja decembra 2020.g. do sredine februara 2021.g. je nastupio period stabilizacije sa ujednačenim manjim brojem prijavljenih slučajeva infekcije.

Nakon toga, od sredine februara 2021.g. nastupa novi val epidemije, koji je karakteriziran značajnijim porastom broja oboljelih/zaraženih u odnosu na prethodni val, zbog bržeg širenja virusa u populaciji (pojava novog soja virusa).

Istovremeno, sa povećanjem broja oboljelih/zaraženih, raste broj težih formi oboljenja i broj nepovoljnih ishoda bolesti.

Grafikon 2: Trend kretanja testiranih i pozitivnih slučajeva (PCR i AG) na području ZDK po sedmicama:




Zaključno sa 20.04., broj smrtnih ishoda na području ZDK je 980, što čini stopu letaliteta od 9,7%, odnosno 2,74 na 1000 stanovnika.


Kada uzmemo u obzir i broj potvrđenih slučajeva Antigenskim testom, onda je letalitet 7,1%.

U proteklih sedam dana od posljedica Covid-19 umrlo je 46 osoba, a sedmicu prije toga 63.

Grafikon 3: Trend kretanja broja umrlih na području ZDK (sedmodnevni prosjek):



Grafikon 4: Trend kretanja broja pozitivnih i umrlih po sedmicama:



Primjetno je da trend broja umrlih od posljedica Covid-19 infekcije, nakon početnog povećanja, 19.03. dostigao maksimum, da bi nakon toga uslijedio trend smanjenja broja umrlih do 26.03., da bi opet uslijedio porast do 02.04, nakon čega slijedi značajniji broj umrlih (sedmodnevni prosjek). Nakon 03.04. ponovo slijedi smanjenje broja umrlih i taj trend se i dalje nastavlja.

Tabela 2: Uporedni pregled osnovnih pokazatelja Covid-19 infekcije u FBiH i po kantonima:

Broj stanovnika (hiljada)	2.189	358	420	439	217	755
	FBiH	ZDK	KS	TK	HNK	Ostali kantoni
Broj testiranih	611000	57000	188000	102000	117000	147000
Broj oboljelih	127490	10100	45000	18800	27000	26590
Broj aktivnih	16555	1100	6400	1750	2400	4905
Broj umrlih	4658	980	1170	900	425	1183
	3,7%	9,7%	2,6%	4,8%	1,6%	4,4%
	FBiH	ZDK	KS	TK	HNK	Ostali kantoni
Broj testiranih	279,12	159,22	447,62	232,35	539,17	194,70
Broj oboljelih	58,24	28,21	107,14	42,82	124,42	35,22
Broj aktivnih	7,56	3,07	15,24	3,99	11,06	6,50
Broj umrlih	2,13	2,74	2,79	2,05	1,96	1,57


Uočljivo je da ZDK među velikim kantonima ima najmanji broj oboljelih, ali i najmanji broj testiranih. S druge strane ima prilično visoku stopu letaliteta. 9,7% oboljenja je završilo smrtnim ishodom. Međutim kad se posmatra stopa smrtnosti (broj umrlih u odnosu na broj stanovnika), ona nije tako visoka (2,74 u odnosu na 2,13 u FBiH, **2,79 u Kantonu Sarajevo** i 2,05 u Tuzlanskom kantonu.

Usporedbu epidemioloških pokazatelja u različitim geografskim područjima u određenom momentu, treba uzeti sa rezervom, jer se različita područja u datom trenutku, nalaze u različitim

fazama epidemije ili epidemijskog vala.


S druge strane, broj prijavljenih oboljelih/zaraženih lica, kada virus cirkulira kroz populaciju, direktno zavisi od obima testiranja, a to, opet zavisi od raspoloživih resursa, tako bi stopa smrtnosti, računata na broj stanovnika, bila vjerodostojniji pokazatelj od stope računate na broj potvrđenih slučajeva.

Grafikon 5: Trend kretanja novih slučajeva Covid-19 na području ZDK (Sedmodnevni prosjek):




Trend kretanja broja novooboljelih (sedmodnevni prosjek) do 28.marta pokazuje blagi, ali kontinuirani porast, da bi nakon tog datuma slijedilo smanjenje broja novootkrivenih slučajeva.

Grafikon 6: Prikaz trenda novootkrivenih slučajeva (PCR i AG) po sedmicama:



Zadnja sedmica bilježi smanjenje ukupnog broja pozitivnih, s tim da je izraženije smanjenje broja AG potvrđenih (zbog nedostatka testova), pa je došlo do povećanog broja PCR potvrđenih.

Grafikon 7: Sedmodnevna incidenca novih slučajeva (izražena na 100.000 stanovnika)



Trend broja novootkrivenih slučajeva Covid-19 na području ZDK pokazuje kontinuirano poboljšanje, što se posebno vidi iz pokazatelja sedmodnevne incidence novih slučajeva, koja bilježi značajan pad sa 286 prije tri sedmice na 119 u zadnjoj posmatranoj sedmici. Međutim, i ova smanjena incidenca je i dalje visoka.

Za usporedbu, prosjek 30 europskih država je 426 novih slučajeva u sedam dana na 100.000 stanovnika (po državama raspon 29-962).

Tabela 3: Pokazatelji obolijevanja po općinama/gradovima:

	Hiljada stanovnika	Broj oboljelih	Stopa na 1000 st
Zenica	109	4274	39,2
Tešanj	46	1597	34,7
Visoko	40	1978	49,5
Kakanj	39	1808	46,4
Zavidovići	36	1116	31,0
Žepče	30	749	25,0
Maglaj	20	744	37,2
Breza	13	514	39,5
Olovo	9	278	30,9
Vareš	7	322	46,0
Usora	5	184	36,8
Doboj-jug	4	166	41,5
	358	13730	38,4

Najvišu stopu obolijevanja bilježi Visoko (49,5/1000 stanovnika), a najnižu Žepče (25/1000 stanovnika).

Grafikon 8: Stopa obolijevanja po općinama/gradovima na području ZDK:





Tabela 9: Pokazatelji umiranja po općinama/gradovima:


	Broj oboljelih	Broj umrlih	Letalitet	Stopa umiranja na 1000 st
Zenica	4274	333	7,8%	3,06
Tešanj	1597	110	6,9%	2,39
Visoko	1978	155	7,8%	3,88
Kakanj	1808	69	3,8%	1,77
Zavidovići	1116	81	7,3%	2,25
Žepče	749	66	8,8%	2,20
Maglaj	744	41	5,5%	2,05
Breza	514	49	9,5%	3,77
Olovo	278	13	4,7%	1,44
Vareš	322	37	11,5%	5,29
Usora	184	12	6,5%	2,40
Doboj-jug	166	14	8,4%	3,50
ZDK	13730	980	7,1%	2,74

Posmatrano po općinama/gradovima najvišu stopu umiranja bilježi Vareš (5,29/1000 stanovnika), a najnižu Olovo (1,44/1000 stanovnika).

Grafikon 10: Letalitet (umrli u odnosu na broj oboljelih) po općinama/gradovima na području ZDK



Grafikon 11: Stopa umiranja u odnosu na broj stanovnika po općinama/gradovima na području ZDK




Zauzetost bolničkih kapaciteta


Pokazatelji zauzetosti bolničkih kapaciteta pokazuju trend povećanja hospitalizacije, kao i potrebe za respiratornom podrškom hospitaliziranih.

Grafikon 9 pokazuje da je, nakon ubrzanog rasta broja hospitaliziranih sredinom februara, nakon 22 marta uslijedilo usporenje porasta broja hospitaliziranih. Isti grafikon pokazuje da je do značajnog porasta broja hospitaliziranih koji su zahtijevali respiratornu podršku bio značajnije povećan u periodu 08-17. marta.

Grafikon 12: Trend određenih bolničkih pokazatelja (sedmodnevni prosjek)



Grafikon 13: Trend određenih bolničkih pokazatelja: broj hospitaliziranih i broj umrlih (dnevne vrijednosti)



Opterećenje bolničkih kapaciteta pokazuje kontinuirani porast. Posebno je uočeno da je u zadnje dvije sedmice značajno povećan udjel teških kliničkih stanja hospitaliziranih pacijenata.

Tabela 5: Procjena potrebnih bolničkih kapaciteta:

	Struktura	Potrebna hospitalizacija					
Broj potvrđenih aktivnih slučajeva			1.000	1.300	1.800	2.000	
Asimptomatski	40,00%		400	520	720	800	*1
Blagi oblik	32,00%		320	416	576	640	*2
Srednje teški oblik bez riziko faktora	12,00%	2,40%	120	156	216	240	*3
Srednje teški oblik sa riziko faktorom	7,00%	5,60%	70	91	126	140	*4
Teški oblik	7,50%	7,50%	75	98	135	150	*5
Teški oblik sa komplikacijama	1,00%	1,00%	10	13	18	20	*6
Kritični oblik	0,50%	0,50%	5	7	9	10	*7
UKUPNO	100,00%	17,00%					
Broj pacijenata za ICU		1,50%					
Potrebna broj Covid bolničkih postelja			170	221	306	340	
Potrebna broj ICU postelja			15	20	27	30	

*1 Ne zahtijeva nikakav tretman osim praćenja od strane HES-a

*2 Zahtijeva telefonsku konsultaciju tima PM

*3 Zahtijeva telefonsko aktivno praćenje i/ili pregled tima PM, a 20% zahtijeva hospitalizaciju

- *4 80% Zahtijeva hospitalizaciju
- *5 Zahtijeva hospitalizaciju sa oksigenacijom
- *6 Zahtijeva ICU
- *7 Zahtijeva ICU

Tabela 5 pokazuje strukturu oboljelih po težini kliničke slike a prema određenom broju aktivnih slučajeva.

Procjena strukture oboljelih po težini kliničke slike, a sljedstveno tome i procjena potrebnih bolničkih kapaciteta je izvršena na osnovu podataka o strukturi oboljelih iz 21 EU države iz novembra 2020.

Trenutni broj hospitaliziranih se kreće do 170, što odgovara približno broju od 1.000 aktivnih slučajeva, a mi imamo oko 1.300 aktivnih slučajeva. Razlog za odstupanje može biti drugačija struktura oboljelih (znatno veći udio asimptomatskih i blagih oblika) ili se dio oboljelih (koji bi trebali bolnički tretman) iz nekog razloga nije javio u bolnicu. Ako je vjerovatnija druga pretpostavka onda se preko 50 teških pacijenata još uvijek liječi u kućnim uslovima. Zbog toga se vjerovatno i dešava situacija da u bolnicu u zadnjem periodu se upućuju pacijenti sa vrlo teškom kliničkom slikom.

Tabela 6: Sedmodnevni indikatori:

Sedmodnevni indikatori	14.04.-20.04.	07.04.-13.04.	promjena
Broj novih potvrđenih slučajeva COVID-19	428	591	-27,6%
7-dnevna incidenca	119	165	-27,6%
Broj smrtnih slučajeva zbog COVID-19	46	63	-27,0%
Ukupan broj hospitaliziranih pacijenata od COVID-19 na kraju perioda	146	176	-17,0%
Broj pacijenata COVID-19 na respiratoru	6	9	-33,3%

Svi indikatori sedmodnevnog perioda pokazuju značajno poboljšanje.

IMUNIZACIJA

Tokom sedmice (08.-14. marta) započeto je vakcinisanje zdravstvenih radnika protiv Covid-19 vakcinom AstraZeneca. Do 20.04. zaprimljeno je 6.586 doza vakcine, utošeno je 4.288 doza, odbačeno je 6 doza, a 2.292 doze su ostale za utošiti u narednom periodu.

Vakcine su distribuirane u sve javne zdravstvene ustanove na području Kantona.

Nisu zabilježene ozbiljnije neželjene reakcije tokom vakcinacije.

Tabela 7: Pregled utroška vakcina zaključno sa 20.04.2021. po ustanovama na ZDK:

	broj doza			Preostalo
	Primljeno	Utrošeno	Odbačeno	
DZ OLOVO	243	198	0	45
DZ VAREŠ	148	108	0	40
DZ BREZA	215	164	0	51
DZ VISOKO	553	358	1	194
DZ KAKANJ	485	346	0	139
DZ ZENICA	1503	580	2	921
DZ ŽEPČE	356	243	1	112
DZ ZAVIDOVIĆI	502	370	0	132
DZ MAGLAJ	327	152	0	175
DZ DOBOJ JUG	81	44	2	35
DZ USORA	156	123	0	33
DZ TEŠANJ	593	188	0	405
OB TEŠANJ	160	160	0	0

KB ZENICA	1070	1070	0	0
ZAVOD ZA OVISNOST	30	30	0	0
ZAVOD ZA MEDICINU RADA	50	50	0	0
INZ	114	104	0	10
UKUPNO ZDK	6586	4288	6	2292
			0,14%	

Obzirom da se radi o multidoznim pakovanjima vakcina, izuzetan je uspjeh da je rastur (procenat odbačenih vakcina) samo 0,14%.

ZAKLJUČAK

Svi pokazatelji epidemiološke situacije u posljednjoj sedmici imaju niže vrijednosti i dio su trenda smanjenja tokom četiri prethodne sedmice.

Broj novih potvrđenih slučajeva u zadnjih sedam dana je 428, što čini kumulativnu incidencu od 119 na 100.000 stanovnika. Iako je evidentno značajno smanjenje ove incidence u odnosu na prethodni sedmodnevni period (165) i još izraženije na prethodna dva sedmodnevna perioda (248 i 286), vrijednost sedmodnevn ekumulativne incidence od preko 100 pokazuje da i dalje postoji visok rizik od daljeg širenja infekcije.

Za usporedbu, prosjek 30 europskih država je 426 novih slučajeva (kumulativna incidenca) u sedam dana na 100.000 stanovnika a po državama se kreće u rasponu 29-962).

Do 20. 04. je ukupno potvrđeno 13.730 slučajeva Covid-19, a broj aktivnih slučajeva je 1.307.

I dalje je broj umrlih na području ZDK dosta visok.

Povoljni trendovi u Kantonu Sarajevo ukazuju da se značajno smanjio rizik od prenosa infekcije iz ovog kantona na područje ZDK.

Opterećenje bolničkih kapaciteta je nešto smanjeno u odnosu na prethodni period, ali je i dalje visok i posebno sa velikim učešćem težih kliničkih stanja.

Proces imunizacije protiv Covid-19 uspješno se provodi na području ZDK počev od druge sedmice marta. Do sada je zdravstvenim ustanovama isporučeno 6.586 doza valcina, a utrošeno je 4.288 doza. Odbačeno je svega 6 doza valcina što je samo 0,14% što je izuzetno dobar rezultat iskorištenosti raspoloživih vakcina i pokazatelj jako dobre organizacije.

Već je provedena i prva revakcinacija radnika u zdravstvu.

Ukoliko se ostvare predviđanja o dolasku većeg broja vakcina, za očekivati je da se pokrene i masovnija imunizacija. U zdravstvenim ustanovama na području ZDK spremno je preko 60 timova koji mogu provesti masovnu vakcinaciju.

Epidemiološka situacija na području ZDK, sa aspekta Covid-19 infekcije se može ocijeniti nepovoljnom sa nastavkom trenda poboljšanja, odnosno smanjenja broja novooboljelih i smanjenja broja umrlih. Takođe se smanjuje i broj hospitaliziranih.

Iako se broj hospitaliziranih smanjuje i dalje je prisutno opterećenje bolničkih kapaciteta, zbog povećanog broja teških kliničkih stanja kod velikog broja hospitaliziranih.

**NAREDBE KRIZNOG ŠTABA
MINISTARSTVA ZDRAVSTVA ZENIČKO-DOBOJSKOG KANTONA**

I. OPĆE NAREDBE

1. Dozvoljeno je okupljanje osoba na određenom prostoru pod sljedećim uvjetom:
 - ne više od 20 osoba u zatvorenom i otvorenom prostoru.

Sva okupljanja unutar navedenog ograničenja moraju se odvijati u prostoru koji omogućava obaveznu fizičku distancu od najmanje 2m između osoba, osim članova istog domaćinstva, uz pridržavanje higijensko epidemioloških mjera utvrđenih od strane Zavoda za javno zdravstvo Federacije BiH.

2. Ograničava se kretanje stanovništva na području Zeničko-dobojskog kantona u vremenu od 21⁰⁰ sat uvečer do 05⁰⁰ sati ujutro narednog dana.
 - Iz tačke 2. izuzimaju se svi zaposlenici koji su uključeni u provođenje mjera i aktivnosti na rješavanju epidemije COVID-19 na području Zeničko-dobojskog kantona, zaposlenici kojima se proces rada odvija u smjenama, međugradski i međunarodni prevoz putnika, taksi služba, kao i vozači teretnih vozila u domaćem i međunarodnom transportu.
 - Zaposlenici koji su uključeni u provođenju mjera i aktivnosti na rješavanju epidemije COVID-19 na području Zeničko-dobojskog kantona i zaposlenici kojima se proces rada odvija u smjenama, moraju imati odobrenje poslodavca za kretanje u vremenu od 21⁰⁰ sat uvečer do 05⁰⁰ sati ujutro narednog dana.
3. Zabranjuje se održavanje svadbi i drugih proslava.

Za kontrolu mjera iz ove Naredbe zadužuje se Uprava policije Ministarstva unutrašnjih poslova Zeničko-dobojskog kantona u skladu sa kantonalnim Zakonom o javnom redu i miru.

II. NAREDBE ZA ZDRAVSTVENE USTANOVE

1. Naređuje se nadležnim doktorima zdravstvenih ustanova primarne zdravstvene zaštite da prije upućivanja COVID-19 pozitivnog pacijenta u JU Kantonalna bolnica Zenica i JU Opća bolnica Tešanj, obavezno kontaktiraju nadležnog infektologa JU Kantonalna bolnica Zenica, odnosno pulmologa JU Opća bolnica Tešanj.

Pacijeti iz općina/grada Zenica, Visoko, Kakanj, Breza, Zavidovići, Žepče i Vareš upućuju se u JU Kantonalna bolnica Zenica.

Pacijenti sa područja općina Tešanj, Maglaj, Usora i Doboj Jug upućuju se u JU Opća bolnica Tešanj.

2. Naređuje se zdravstvenim ustanovama primarne zdravstvene zaštite obavezno i kontinuirano provođenje i dokumentovanje procedure aktivnog praćenja pacijenata oboljelih od COVID-19.

3. Zadužuju se JU Kantonalna bolnica Zenica i JU Opća bolnica Tešanj da organizaciju rada specijalističko konsultativne zdravstvene zaštite na terenu, usklade sa epidemiološkom situacijom.
4. Nalaže se privatnim zdravstvenim ustanovama da svakog radnog dana do 10⁰⁰ sati, izvrše prijavu zarazne bolesti COVID-19, higijensko-epidemiološkim službama domova zdravlja na području Kantona (u daljem tekstu: HES) u skladu sa članom 10. stav (2) Pravilnika o načinu prijavljivanja zaraznih bolesti ("Sl. novine FBiH", broj: 101/12), a na osnovu pozitivno utvrđenih rezultata PCR i AG testiranja.
5. Nalaže se privatnim zdravstvenim ustanovama da svakog radnog dana do 10⁰⁰ sati nadležnoj HES, dostave ukupan broj izvršenih AG testiranja.

III. NAREDBE ZA HIGIJENSKO-EPIDEMIOLOŠKE SLUŽBE DOMOVA ZDRAVLJA

1. Nalaže se svim HES domova zdravlja na području Kantona da svakog radnog dana do 12⁰⁰ sati, svim gradskim/općinskim sanitarnim inspektorima, obavezno putem službenog e-mail, izvrše prijavu zarazne bolesti COVID-19, u skladu sa članom 10. stav (2) Pravilnika o načinu prijavljivanja zaraznih bolesti ("Sl. novine FBiH", broj: 101/12).
2. Nalaže se HES JU Poliklinika sa dnevnom bolnicom Doboj Jug, da prijavu zarazne bolesti iz prethodne tačke ove Naredbe, obavezno putem službenog e-mail dostavi kantonalnoj sanitarnoj inspekciji.

IV. NAREDBE ZA PREDŠKOLSKJE USTANOVE

Nalaže se predškolskim ustanovama stroga primjena standarda i mjera biosigurnosti.

V. NAREDBE ZA UGOSTITELJSKE OBJEKTE

1. Nalaže se ugostiteljskim objektima striktno postupanje po Naredbama Kriznog štaba Federalnog ministarstva zdravstva, koje je usvojila Vlada Federacije Bosne i Hercegovine, uz obavezno pridržavanje higijensko-epidemioloških mjera donijetih od Zavoda za javno zdravstvo u Federaciji BiH.
2. Nalaže se ugostiteljskim objektima da stolove u ugostiteljskom objektu rasporede na način da se broj raspoloživih stolica za goste, odredi tako da za svaku stolicu pripada minimalno 2 m² površine prostora namijenjenog za prijem gostiju objekta.
3. Nalaže se ugostiteljskim objektima da na vidnom mjestu u objektu istaknu informaciju koja sadrži sljedeće podatke:
 - površina dijela objekta namijenjenog za smještaj gostiju,
 - broj raspoloživih stolica za goste objekta.
4. Nalaže se ugostiteljskim objektima da zaduže osobu koja će osigurati provođenje mjera iz tačke V. podtačka 1. i 2. ove Naredbe.

5. Zabranjuje se izvođenje muzike uživo u ugostiteljskim objektima.
6. Zabranjuje se upotreba i konzumiranje nargila (šiša) u ugostiteljskim objektima.
7. Za provođenje mjera iz ove Naredbe, odgovorno je pravno lice, kao i odgovorna osoba u pravnom licu, te fizičko lice registrovano za obavljanje ugostiteljske djelatnosti.
8. Zadužuju se nadležne inspekcije da vrše pojačan inspekcijski nadzor provođenja naloženih mjera u ugostiteljskim objektima, svako u okviru svoje nadležnosti.
9. Zadužuju se nadležne inspekcije da protiv lica koja ne poduzimaju mjere u skladu sa ovom Naredbom, kao posebnim propisom u uvjetima proglašene epidemije u Federaciji BiH, privremeno zabrane rad ugostiteljskog objekta za koji se utvrdi da ne provodi mjere u skladu sa ovom Naredbom.

VI. NAREDBE ZA POSLOVNE SUBJEKTE

1. Zabranjuje se rad kladionica, izuzev on line klađenja.
2. Nalaže se poslovnim subjektima koji imaju organizovane igraonice za djecu da obustave rad igraonica.

VII. NAREDBA ZA ORGANE UPRAVE I DRUGA PRAVNA LICA

Naređuje se svim organima uprave i drugim pravnim licima na području Zeničko-dobojskog kantona, koje pružaju usluge šalter sale, da odrede osobu za kontrolu pravilnog provođenja higijensko-epidemioloških mjera ispred ulaza u objekat i to obavezno pravilno nošenje maske preko usta i nosa i poštivanje fizičke distance od minimalno 2 metra za sve osobe koje se nalaze ispred objekta.

VIII. NAREDBE ZA SPORTSKO REKREATIVNE AKTIVNOSTI

Zabranjuju se sportsko rekreativne aktivnosti u zatvorenom prostoru, izuzev treninga i takmičenja sportskih klubova koji učestvuju na takmičenjima na državnom, federalnom i kantonalnom nivou.

IX. NAREDBE ZA VJERSKE INSTITUCIJE I POGREBNA DRUŠTVA

1. Nalaže se vjerskim zajednicama na području Zeničko-dobojskog kantona da osiguraju striktno provođenje mjera iz tačke 1. ove Naredbe.
2. Nalaže se svim vjerskim institucijama na području Zeničko-dobojskog kantona da se prilikom održavanja vjerskih obreda pridržavaju procedura i preporuka (higijensko-epidemioloških mjera) izdatih od Instituta za zdravlje i sigurnost hrane Zenica, koje su objavljene na službenoj web stranici Instituta www.inz.ba
3. Nalaže se svim pogrebnim društvima da se striktno pridržavaju procedura i

preporuka (higijensko-epidemioloških mjera) za dženazu/sahranu osoba preminulih od COVID-19 izdatih od Instituta za zdravlje i sigurnost hrane Zenica, koje su objavljene na službenoj web stranici Instituta www.inz.ba

X. NAREDBE ZA GRADOVE/OPĆINE

Nalaže se gradovima/općinama Zeničko-dobojskog kantona da u skladu sa Naredbom o standardima i normativima zdravstvene zaštite iz obaveznog zdravstvenog osiguranja, u okviru budžeta osiguraju djelimično finansiranje HES-i domova zdravlja i službi hitne medicinske pomoći.

XI. NAREDBE ZA MINISTARSTVA I DRUGE ORGANE UPRAVE

1. Nalaže se Ministarstvu unutrašnjih poslova Zeničko-dobojskog kantona da pokrene proceduru izmjena i dopuna Zakona o javnom redu i miru ("Sl. novine Zeničko-dobojskog kantona, broj: 12/16 i 6/17) po hitnom postupku, kojim će propisati obavezu poštivanja naredbi koje donose nadležni organi, od strane subjekata na koje se naredbe odnose i sankcije za nepoštivanje naredbi.
2. Nalaže se Kantonalnoj upravi za inspekcijske poslove Zeničko-dobojskog kantona da pokrene proceduru izmjena i dopuna Zakona o inspekcijama Zeničko-dobojskog kantona ("Sl. novine Zeničko-dobojskog kantona, broj: 6/11) po hitnom postupku, kojim će propisati obavezu poštivanja naredbi koje donose nadležni organi, od strane subjekata na koje se naredbe odnose i sankcije za nepoštivanje naredbi.
3. Nalaže se Ministarstvima i drugim organima uprave da postupaju po Naredbama Kriznog štaba Federalnog ministarstva zdravstva, koje je usvojila Vlada Federacije Bosne i Hercegovine, te da u okviru svoje nadležnosti daju upute za postupanje institucijama iz svoje nadležnosti.

XII. NAREDBE ZA NADLEŽNE INSPEKCIJSKE ORGANE

1. Nalaže se Kantonalnoj upravi za inspekcijske poslove Zeničko-dobojskog kantona (u daljem tekstu: Kantonalna uprava za inspekcijske poslove) i gradskim/općinskim inspekcijama, da u skladu sa svojim nadležnostima pojačaju inspekcijski nadzor svih inspekcija, u cilju kontrole i provođenja naređenih mjera utvrđenih Naredbama Kriznog štaba Federalnog ministarstva zdravstva, koje je usvojila Vlada Federacije Bosne i Hercegovine i Naredbama Kriznog štaba Ministarstva zdravstva koje je usvojila Vlada Zeničko-dobojskog kantona, radi sprječavanja širenja COVID-19 na području Zeničko-dobojskog kantona.
2. Nalaže se nadležnim inspekcijama da Kriznom štabu Ministarstva zdravstva dostave izvještaje o pojačanom inspekcijskom nadzoru, u cilju kontrole provođenja naređenih mjera i sprječavanja širenja COVID-19, te da navedene izvještaje dostavljaju u kontinuitetu svakih 14 dana.
3. Nalaže se nadležnim inspekcijama da prijavu zarazne bolesti COVID-19 koju zaprime od nadležne HES, odmah po prijemu unesu u elektronsku bazu podataka Ministarstva unutrašnjih poslova Zeničko-dobojskog kantona, odnosno nadležne

policijske uprave/policijske stanice.

4. Za lica kod kojih je utvrđena zarazna bolest COVID-19 po prijavi bolesti iz tačke 3. nadležni sanitarni inspektor obavezan je bez odlaganja donijeti rješenje o zabrani kretanja i izolaciji u kućnim uslovima za oboljele osobe i osobe iz kontakta, u skladu sa Zakonom o zaštiti stanovništva od zaraznih bolesti i Kantonalnim planom pripravnosti za oboljenja izazvana COVID-19.

XIII. NAREDBE ZA UPRAVU POLICIJE MINISTARSTVA UNUTRAŠNJIH POSLOVA ZENIČKO-DOBOJSKOG KANTONA

1. Nalaže se Upravi policije, Ministarstva unutrašnjih poslova Zeničko-dobojskog kantona (u daljem tekstu: Uprava policije) da putem policijskih službenika, svakodnevno i kontinuirano vrši kontrolu osobe koje su oboljele od zarazne bolesti COVID-19 i osobe iz kontakta, u skladu sa podacima koji su uneseni u elektronsku bazu podataka Ministarstva unutrašnjih poslova.
2. Nalaže se Upravi policije da o svakom nepoštivanju izolacije u kućnim uvjetima, bez odlaganja obavijesti nadležne inspekcije i poduzme mjere u skladu sa Zakonom o krivičnom postupku, a u vezi sa članom 226. Krivičnog zakona FBiH.
3. Nalaže se Upravi policije da poduzme mjere iz svoje nadležnosti i da pruži potrebnu podršku inspeksijskim službama u toku vršenja inspeksijskog nadzora u cilju kontrole provođenja naređenih mjera i sprječavanja širenja COVID-19.